

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA

Naziv dokumenta

ISPITIVANJE VOZILA NAMIJENJENIH ZA PREVOZ ŽIVOTINJA

Identifikacioni broj dokumenta

PZS – U01 – 01 –00/0

Vrsta dokumenta

PROCEDURA

Kontrolisana kopija

Nekontrolisana kopija

1 2 3 4 5

IZMJENE I DOPUNE:

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA

Primjenjuje se od 00.00.2010.

Strana/ukupan broj strana:

1/6

SADRŽAJ

1. Svrha i područje primjene
2. Pravna i tehnička dokumentacija
 - 2.1 Pravna dokumentacija
 - 2.2 Tehnička dokumentacija
3. Postupak pri ispitivanju vozila
 - 3.1 Ispitivanje vozila u cilju utvrđivanja da li vozilo ispunjava osnovne tehničke norme
 - 3.2 Ispitivanje vozila u cilju utvrđivanja da li vozilo ispunjava dodatne uslove koje moraju zadovoljiti vozila za prijevoz životinja
 - 3.2.1 Provjera tovarnog prostora
 - 3.2.2 Provjera opreme za utovar i istovar životinja
 - 3.2.3 Dodatna provjera tovarnog prostora za vozila za duga putovanja
4. Veza sa drugim dokumentima

Provjerio

Odobrio

In. broj
dokumenta

Ime i Prezime:

Ime i Prezime:

PZS-U01-01-00/0

Datum:

Datum:

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA

1. Svrha i područje primjene

Uputstvo sadrži smjernice za ispitivanje motornih vozila namijenjenih za prijevoz živih životinja, kod kojih je izvršena ugradnja nove ili adaptacija postojeće nadgradnje, sistema i opreme, u svrhu prijevoza životinja. Ispitivano vozilo mora zadovoljavati osnovne tehničke norme propisane svim pozitivnim zakonskim i podzakonskim aktima koji se primjenjuju na teritoriji Bosne i Hercegovine, te dodatne uslove propisane posebnim Uslovima koje moraju zadovoljiti vozila za prijevoz životinja (SG BiH br.), te Direktivom Vijeća Europske Unije EC No 1/2005 od 22.12.2004. godine.

2. Pravna i tehnička dokumentacija

Prilikom podnošenja zahtjeva za ispitivanje vozila korisnik usluga je dužan dostaviti odgovarajuću pravnu i tehničku dokumentaciju kojom se dokazuje vlasništvo nad vozilom i opisuje tehničko stanje vozila. Dokumentacija se dostavlja u originalu, a za dokumenta za koja nije moguće priložiti originale prilažu se fotokopije dokumenata, uz originalna dokumenta na uvid. Odgovorno lice koje provodi postupak ispitivanja vozila je dužno provjeriti i utvrditi da li priložena pravna i tehnička dokumentacija odgovara postojećem stanju na vozilu.

2.1 Pravna dokumentacija

Pri podnošenju zahtjeva za ispitivanje vozila namijenjenog za prijevoz životinja, podnositelj zahtjeva je dužan uz zahtjev priložiti pravnu dokumentaciju iz koje se može utvrditi vlasništvo vozila. Dokumenti koji iz kojih se utvrđuje vlasništvo vozila su:

- Potvrda o vlasništvu vozila,
- Kupoprodajni ugovor,
- Račun preduzeća ili trgovine ovlaštene za prodaju vozila,
- Uvozna carinska deklaracija.

Podnositelj zahtjeva je obavezan dostaviti kopije dokumenta kojima dokazuje vlasništvo vozila, kao i originalne dokumente (na uvid).

Za vozilo registrovano u BiH koje ne mijenja vlasnika, vlasništvo se utvrđuje na osnovu Potvrde o vlasništvu vozila. Za vozilo registrovano u BiH koje mijenja vlasnika, vlasništvo se utvrđuje na osnovu Potvrde o vlasništvu vozila i kupoprodajnog ugovora. Za novoprodukcijeno vozilo vlasništvo se utvrđuje na osnovu računa preduzeća ili trgovine ovlaštene za prodaju vozila i uvozne carinske deklaracije. Za rabljeno vozilo koje se prvi put registruje u BiH, vlasništvo se utvrđuje na osnovu računa preduzeća ili trgovine ovlaštene za prodaju vozila, kupoprodajnog ugovora i uvozne carinske deklaracije. Svi dokumenti izdani na stranom jeziku moraju imati službeni prijevod od ovlaštenog sudskog tumača.

2.2 Tehnička dokumentacija

Tehnička dokumentacija treba da sadrži podatke o motornom vozilu, tehnički opis izvršene nadogradnje ili adaptacije, kao i podatke iz kojih se mogu jednoznačno identificirati i utvrditi tehničke karakteristike vozila, uređaja i opreme koja je ugrađena u vozilo. Tehnička dokumentacija, ovisno o vrsti i obimu zahvata na vozilu, treba sadržavati:

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA

Primjenjuje se od: 00.00.2010. Strana/ukupan broj strana:3/6

- ime i adresu proizvođača, odnosno izvršioca nadogradnje ili prepravke vozila,
- kratak opis izvršenih radova i namjene nadogradnje ili prepravke vozila,
- podatke o masi i osovinskom opterećenju praznog vozila, ukupnoj dozvoljenoj masi vozila i najvećim dozvoljenim opterećenjima pojedinih osovina, vučne kuke ili vučnog sedla,
- tehničke crteže koji prikazuju vozilo u cjelini, kao i njegove pojedine funkcionalne dijelove (glavna šasija, pomoćna šasija, način vezivanja glavne i pomoćne šasije, tovarni sanduk, način ugradnje pojedinih uređaja i sistema, itd.) koji su predmet nadogradnje ili prepravke,
- specifikaciju korištenih materijala pri nadogradnji ili prepravci vozila,
- statičke proračune i proračune čvrstoće pojedinih funkcionalnih dijelova vozila koji su predmet nadogradnje ili prepravke, njihove međusobne veze, i slično.

Uz tehničku dokumentaciju se prilaže i slijedeće:

- Zapis o obavljenom vaganju vozila,
- Zapisnik o obavljenom tehničkom pregledu vozila sa ispisom pregleda kočnica,
- Atesti ugrađene opreme i sistema, ako je to potrebno.

Uz tehničku dokumentaciju se obavezno prilaže potpisana i ovjerena Izjava izvršioca nadogradnje ili prepravke vozila kojom se potvrđuje da je vozilo nadograđeno ili prepravljeno u skladu s pravilima struke uz poštivanje svih zakona, pravilnika, uputa i normi koji se primjenjuju na tom području i odnose se na ispitivano vozilo. Izjava treba sadržavati marku i tip vozila, broj šasije, identifikacijske podatke nadgradnje, te mora biti potpisana od odgovorne osobe izvršioca nadogradnje ili prepravke vozila.

Ukoliko izvršilac nadogradnje ili prepravke vozila nije iz Bosne i Hercegovine nije obavezno da zahtijevana tehnička dokumentacija bude na jednom od službenih jezika BiH. Prema potrebi, može se zatražiti službeni prijevod tehničke dokumentacije od ovlaštenog sudskog tumača.

3. Postupak pri ispitivanju vozila

Cjelokupni postupak ispitivanja vozila se sastoji iz slijedećih radnji:

- Prijem zahtjeva za ispitivanje vozila i pregled prateće dokumentacije, u skladu sa procedurom OPD-P02-01-00/0 Prijem zahtjeva za ispitivanje vozila.
- Utvrđivanje identiteta motornog vozila motora sus na osnovu broja šasije i na osnovu marke i tipa vozila i motora, a shodno uputstvu OPD-U03-01-00/0 Verifikacija brojeva rama i motora vozila.
- Ispitivanja vozila u cilju utvrđivanja da li vozilo ispunjava osnovne tehničke norme propisane za vozila za prijevoz životinja.

3.1 Ispitivanje vozila u cilju utvrđivanja da li vozilo ispunjava osnovne tehničke norme

Ispitivano vozilo mora zadovoljavati osnovne tehničke norme propisane svim pozitivnim zakonskim i podzakonskim aktima koji se primjenjuju na teritoriji Bosne i Hercegovine. Ispitivanje se sastoji od niza postupaka propisanih posebnim procedurama, u zavisnosti od vrste i obima zahvata na vozilu.

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA

3.2 Ispitivanje vozila u cilju utvrđivanja da li vozilo ispunjava dodatne uslove koje moraju zadovoljiti vozila za prijevoz životinja

Pored osnovnih tehničkih uslova, ispitivano vozilo mora zadovoljavati i dodatne uslove propisane posebnim Uslovima koje moraju zadovoljiti vozila za prijevoz životinja, te Direktivom Vijeća Europske Unije EC No 1/2005 od 22.12.2004. godine. Navedeni akti propisuju opšte odredbe za sva vozila namijenjena prijevozu životinja i dodatne odredbe za vozila za duga putovanja.

3.2.1 Provjera tovarnog prostora

Provjera tovarnog prostora se obavlja vizuelnim pregledom i mjerenjem pomoću mjerne trake i pomičnog mjerila.

Prilikom provjera tovarnog prostora utvrđuju se:

- ukupne unutrašnje dimenzije tovarnog prostora (dužina x širina x visina),
- broj platformi tovarnog prostora (ako je tovarni prostor podijeljen u više nivoa)
- unutrašnje dimenzije tovarnog prostora na svakoj platformi (dužina x širina x visina),
- dimenzije i materijal poda na svakoj platformi,
- dimenzije i materijal sastavnih elemenata tovarnog sanduka.

Pregled tovarnog prostora vizuelnim putem sastoji se iz provjere:

- da li je tovarni prostor vozila konstruisan tako da se osigura sigurnost životinja, spriječi njihov bijeg ili ispadanje iz vozila, te spriječi svaku ozljedu ili patnju životinja,
- da li je tovarni prostor vozila konstruisan tako da se životinje zaštite od lošeg vremena, ekstremnih temperatura i nepovoljnih promjena klimatskih uvjeta, te da li omogućava dovoljan kvalitet i količinu zraka,
- da li je tovarni prostor vozila konstruisan tako da osigurava dovoljno svjetlosti za pregled i brigu o životinjama tokom prijevoza,
- da li su tovarni prostor vozila, spremnici i njihova oprema konstruisani tako da se mogu lako i uspješno čistiti i dezinficirati
- da li je podna površina tovarnog prostora vozila konstruisana tako da sprječava klizanje i da li je dovoljno čvrsta da može izdržati specifična opterećenja,
- da li podna površina tovarnog prostora vozila u potpunosti sprječava ili na najmanju moguću mjeru svodi istjecanje urina ili fekalija,
- da li je unutrašnjost tovarnog prostora vozila konstruisana tako da se, ako je potrebno, mogu pričvrstiti pregradni zidovi i životinje svezati,
- ako su tovarnom prostoru montirani spremnici za prijevoz životinja, provjerava se da li su spremnici osigurani na način da se spriječi njihovo pomicanje s mjesta uslijed kretanja vozila, a za spremnike teže od 50 kg provjerava se da li postoji dovoljan broj odgovarajuće dizajniranih, smještenih i održavanih sigurnosnih točaka koje im omogućuju da budu čvrsto privezani uz vozilo.

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA

3.2.2 Provjera opreme za utovar i istovar životinja

Provjera opreme za utovar i istovar životinja se obavlja vizuelnim pregledom, funkcionalnom provjerom i mjerenjem pomoću mjerne trake. Prilikom provjera opreme za utovar i istovar životinja, uključujući i podne površine, vizuelnim pregledom se utvrđuje:

- da li je dizajnirana, izrađena, održavana i da li se njom rukuje na način da se spriječi ozljeda i patnja životinja,
- da li je opremljena sigurnosnim ogradama tako da onemoguće životinjama da tokom utovara i istovara ispadnu ili pobjegnu,
- da li su podne površine klizave,
- da li su utovarno-istovarne rampe opremljene sistemom koje omogućuje životinjama da se popnu ili siđu bez opasnosti ili poteškoća (na primjer podne prečke), ako je ugao nagiba veći od 10°.

Ugao nagiba utovarno-istovarne rampe određuje se pomoću uglomjera ili mjerenjem pomoću mjerne trake. Ako se koristi mjerna traka, ugao nagiba utovarno-istovarne rampe se računa iz trigonometrijskih relacija odnosa dužine rampe i visine poda tovarnog prostora na mjestu spoja sa rampom.

3.2.3 Dodatna provjera tovarnog prostora za vozila za duga putovanja

Pored opštih odredbi koje moraju ispunjavati sva vozila namijenjena prijevozu životinja, za vozila namijenjena za duga putovanja propisane su i dodatne odredbe. Pri tome se provjerava:

- da li je krov tovarnog prostora vozila svijetle boje i da li je primjereno izoliran,
- da li je životinjama osigurana odgovarajuća prostirka koja im osigurava udobnost primjerenu njihovoj vrsti i broju, vremenu putovanja i vremenskim prilikama, te da li taj materijal osigurava odgovarajuće upijanje urina i fekalija,
- da li u tovarnom prostoru vozila ima predviđeno mjesto za spremanje dovoljne količine hrane za potrebe životinja koje se prevoze, te da li je hrana na tom mjestu zaštićena od vremenskih utjecaja i onečišćivača,
- da li je oprema koja se upotrebljava za hranjenje životinja, ako postoji, oblikovana na takav način da se može pričvrstiti na vozilo kako bi se spriječilo njeno prevrtanje, te da li postoji poseban prostor, odvojen od životinja, za smještanje opreme kada se ona ne upotrebljava i kada se vozilo kreće,
- da li u tovarnom prostoru postoje pregrade tako da se mogu napraviti odvojeni odjeljci, a da je istodobno životinjama osiguran slobodan pristup vodi,
- da li je vozilo opremljeno opremom i uređajima za opskrbu vodom,
- da li je vozilo opremljeno opremom i uređajima za provjetravanje tovarnog prostora vozila i praćenje temperature,
- da li je vozilo opremljeno navigacionim sistemom, koji omogućuje bilježenje i osiguranje potrebnih informacija o kretanju vozila.

Oprema i uređaji za opskrbu vodom se provjeravaju vizuelnim pregledom i funkcionalnom provjerom, pri čemu se provjerava:

- njihovo stanje i funkcionalnost (da li su primjereno oblikovani i funkcionalni za upotrebu),
- da li su oprema i uređaji uredno održavani,

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA

- cisterna za vodu, koja mora imati kapacitet najmanje 1,5% maksimalne korisne nosivosti vozila, mora biti oblikovana tako da se može isušiti i očistiti nakon svakoga putovanja, mora biti opremljena sustavom koji joj omogućuje provjeru razine vode, te mora biti povezane s uređajima za piće u odjeljcima.

Oprema i uređaji za provjetravanje tovarnog prostora vozila i praćenje temperature se provjeravaju vizuelnim pregledom i funkcionalnom provjerom, pri čemu se provjerava:

- njihovo stanje i funkcionalnost,
- da li je sistem u stanju da održava propisani raspon temperatura,
- da li je sistem u stanju da osigura ravnomjernu raspodjelu zraka u tovarnom prostoru, s propisanim kapacitetom i vremenom rada,
- da li je vozilo opremljeno sistemom za praćenje temperature u prostoru za životinje i uređajem za bilježenje tih podataka,
- da li su odjeljci gdje su životinje smještene opremljeni sistemom za uzbuđivanje kako bi se vozača upozorilo kada temperatura dosegne granične vrijednosti minimalne ili maksimalne.

U svrhu rekonstrukcije izvršenog pregleda, pri pregledu obavezno ispuniti kontrolne listove IPV-K01-00 Kontrolni list o verifikaciji brojeva i PZS –K01-00 Kontrolni list o ispitivanju vozila namijenjenih za prevoz živih životinja.

4. Veza sa drugim dokumentima

1. Dokument OPD-P02-01-00/0 Prijem zahtjeva za ispitivanje vozila
2. Dokument OPD-U03-01-00/0 Verifikacija brojeva rama i motora vozila.
3. IPV-K01-00 Kontrolni list o verifikaciji brojeva
4. PZS–K01-00 Kontrolni list o ispitivanju vozila namijenjenih za prevoz živih životinja.
5. Pravilnik o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saboračaju na putevima; Službeni glasnik Bosne i Hercegovine, broj 23 od 02.04.2007. god.
6. Uslovi koje moraju zadovoljiti vozila za prijevoz životinja (SG BiH br.)
7. Direktiva Vijeća Europske Unije EC No 1/2005 od 22.12.2004. godine. BAS ISO 612 Cestovna vozila - Dimenzije motornih vozila i priključnih vozila -Termini i definicije (datum izdanja 01.09.2007.)

KONZORCIJ ZA CERTIFIKACIJU

PROCEDURA ZA ISPITIVANJE VOZILA NAMIJENJENIH ZA PREVOZ ŽIVOTINJA